

Vun driveriver

erscheint auf www.lenauheim.de

monatliche
Erscheinung

April 2015

von Helen Alba

In de April gschickt

Buwestuft

Ich war in der Humanklass. Vun 35 Schiller ware mer lauter Mädle ausser zwaa Buwe. De Walter aus Warjasch un de Pheder aus Bentschek. Die zwaa ware immer luschtich, gut ufgeleet un sin immer dere Halt Mädle nohgeloff. Wie de erschte April angerickt is, han mer se vorher gfroot, ob se mitmache un em Mathelehrer e Streich spille. Sie ware derbei. Un han sich an sellem Tach als Mädle angezoo: Uniform un weisses Hoorband. Doch han se nit uf ihrem gewehnliche Platz ghuckt, sie han sich uner die Mädle gemischt.

Doch der Mathelehrer is schnell drufkumm, dass die Klass ne in de April schicke will. Am Anfang hat er sich verstellt un mitgspillt. Die ganzi Klass hat schun de Ochtum anghal, um nit in Lache auszubreche. Do saat de Lehrer: „Heit ruf ich nor die zwaa Mädle uf, die zuvill in dere Klass sin. Wer sich dermit angesproch fiehlt, soll sich in de Mittelgang stelle. Awer dalli bittscheen!“ Die zwaa Buwe, die jo ganz komisch in dene Uniforme ausgschaut han, sin vorgetret. De Walter war meh kuraschiert un hat gsaat: „Es is doch erschte April heit, seid nit bees, Genosse Professor. Mir han nor rausfinne meechte, ob ihr die Mädle alli kenne tut!“ (ha)

Die Klasse vertauscht

Im Lyzeum han mer Englisch, Französisch un Russisch als Fremdsprachen gelernt. Englisch des war for alli obligatorisch, Französisch un Russisch, je nohdem, welli Fremdsproch mer in der Grundschul gelernt, oder im Lyzeum bevorzugt han. Un ab der zehnti Klass, do ware mer in zwaa geteelt: e Real- un e Humanklass. Un nochmol han mer uns verteelt, wann die zwaa Fremdsprachenstunde ware. Do is die Hälft der Realschiller in die Humanklass kumm un umgekehrt.

Weil unser Russisch-Lehrerin immer gut ufgeleet war un Spass mitgemacht hat, han mer bschloss, ihr am erschte April e Streich zu spille. Alli, die Französisch gelernt han, sin an sellem Tach in die Klass kumm, in der Russisch-Unerricht war. Mitm Katalog unerm Arm is die Lehrerin in die Klass kumm, hat sich ans Katheder gsitzt un noh em Kathalog-Dorchblättre ufgeruft: „Elfriede Klein, an die Tafel bittscheen!“ Nix hat sich geriehart. Jetzt hebt die Lehrerin de Blick, sie schaut in lauter fremdi Gsichter un ment: „Ja mei, ich men, ich han die Klass verfehlt!“ Steht uf, schlaat de Kathalog zu, holt ne uner de Arm un geht aus der Klass. Doch ufm Gang is se dann drufkumm, dass die Schiller se vernarrt han. Sie is wieder zruckkumm, hat de Finger ghob un gsaat: „Ja Kiner, ich sin druf ringfall. Macht awer nix. Kann jo jedem passiere!“